

Wa
437



G. K. 119

F

C

M



Q. K. 119, 17.



Q. D. B. V.
QVATUOR
HYPOMNEMATA,
Ad veterem Thuringiæ
historiam pertinentia,

Quæ
PRÆSIDE
C. S. SCHURZFLEISCHIO,
P. P.

disquirenda proponit
M. GEORG. CHRISTIANUS EILMARUS,
Mulhufa - Thuringus,
Ad diem XIX. Novembr.



VITEMBERGÆ,
Imprimebat MATTHÆUS HENCKELIUS, Acad. Typogr.
ANNO M. DC. LXXXVII.



35



QVAATUOR
HYPOCRITARUM
Ad veterem Thuringiam
historiam pertinentem

QVAATUOR
HYPOCRITARUM
Ad veterem Thuringiam
historiam pertinentem

QVAATUOR
HYPOCRITARUM
Ad veterem Thuringiam
historiam pertinentem



Fragment of text from the adjacent page, including decorative flourishes and the letters 'P', 'T', 'O', 'C', 'A', 'E', 'M', 'A', 'R', 'I', 'S', 'S', 'I', 'O', 'N', 'E', 'M', 'E', 'T', 'R', 'I', 'C', 'A', 'M', 'A', 'D', 'V', 'E', 'T', 'E', 'R', 'E', 'M', 'T', 'H', 'U', 'R', 'I', 'N', 'G', 'I', 'A', 'M', 'H', 'I', 'S', 'T', 'O', 'R', 'I', 'A', 'M', 'P', 'E', 'R', 'T', 'I', 'N', 'E', 'N', 'T', 'E', 'M'.





I.

Dostquam Thuringia regnum esse desiit, pars ejus in provinciam redacta, & *Austrasia* addita est, regnante in *Mediomatricibus* Theoderico, hujus nominis primo, eoq̄ve *Clodovæi M.* filio, qui *Francos Orientales* ditione suâ complectebatur. Pars delata est ad *Saxones*, *Francorum* in debellando Rege *Hermenfrido* socios, qui juxta *Vilurim* incolebant, atq̄ve ad eum regno evertendum incitati, vires & arma conjungebant. *Procopius*, scriptor horum peritus temporum, in toga belloq̄ versatus, & *Belisario Justiniani Imp. militiæ præfecto à consiliis*, lib. I. de bello *Gothorum*. *Gregorius Turonensis Antistes*, antiquissimus idemq̄ve primus ex *Francorum* gente *Historicus Christianus*, histor. lib. III. c. 4. 7. 8. *Scriptor vetustus de gestis Francorum* cap. 22. *Aimoinus* lib. II. cap. 9. *Vitichindus Corbejensis*, monachus diligens perinde ac doctus, annal. lib. I. Quo tempore *Romanorum Impera-*

) (2

ra-

rator florebat Justinianus Magnus, Romæ Pontifex Bonifacius II. Antistes & primas Gallie Remigius. In regno Francie post Clodovei M. excessum diviso, cum summa potestate erant Theodericus I. Childebertus & Clotharius, sublato jam eorum fratre Clodomere, filiisque ejus crudelitate patruorum Childeberti & Clotharii interfectis, apud Turonensem lib. III. c. 18. Simul in Hispania regnabat Amalaricus: in Italia summam rerum tenebat A. halaricus, idemque successor Theoderici, Ostrogothorum Regis, qui Hermenfrido Thuringie Regi Amalbergam, sororis filiam collocavit, quæ marito causa exitii fuit, & hoc everso, in Italiam se recepit ad Theodatum fratrem. Vid. Procopius cit. l. Variè hoc nomen scribitur, ut constat ex Casiodoro, Jornande, qui Hermenfridi quoque meminere. Consultò super sedemus epochâ COSS. Indictionum & Nati Christi, quæ nondum in regno Francie tunc receptæ erant, nec me tamen fugit, duas priores interdum Mario Aventicensi fuisse usurpatas.

II. Victus acie Hermenfridus, salutis causa Scheidingam in ripa Unstruti sitam profugit,
&

& cum Saxones eum obsidione premerent, dilapsus est, quem publicâ fide evocavit Theodericus Rex, neque id abnuit Thuringus, pacis instaurandæ cupidus, & colloqvii causa venit Tulpiacum, oppidum in Ubiis clarum, ubi nihil metuens ex muro, in quo securè inambulabat, præceps datus, finem regni & vitæ habuit, non sine crimine perfidiæ Regis Francorum.

Annum excisi Thuringorum regni, subductis rationibus, constituo DXXX. Quorsum legantur Turonensis, & hujus epitomastes Fredegarius, Aimoinus, & Venantius Honorius Clementianus Fortunatus, in carmine, quod Ch. Brovverus edidit pariter atque illustravit, de excidio Thuringiæ, & in libr. de Vita S. Rade-gundis, quæ fuit Bertharii, Hermenfridi Fr. filia, à Clothario, Theoderici fratre, bellique sociocapta, ac in Franciam abducta, literisque diviniis initiata, quemadmodum in vita ejus Venantius refert. Multi annum eversus hujus regni nominant ac definiunt DXXIV. inter quos est Sigebertus Gemblacensis, quam vulgo sequuntur. Illi suffragatus est Jodocus

) (3

Coc-

Coccius, in Dagoberto, p. 9. Longius Regino abiit, atque ad annum ccccl. retulit memorabilem hanc regni Thuringici conversionem. Propius accessit Aubertus Miræus, qui annum DXIX. excidio regni Thuringici insigniuit, in Chronico Belgico ad h. A. Cui addamus licet Hadrianum Valesium, multæ lectionis & industriæ virum, libro VII. rerum Francicarum. Omnino ceteroquin gravi de causa Theodericus in admisi criminis suspicionem vocatur à Gregorio Turonensi, lib. III. cap. 8. Ado Viennensis hoc apertè tradit, in Chronico æt. VI. Regino, qui Adonem plerumque sequitur, in Chron. ad A. cit. Durum & crudele Theoderici ingenium patet vel argumento etiam cædis liberorum Hermenfridi, apud Aimoinum lib. II. cap. 9. Pariter atque Hugo Flaviniacensis indicat callidum versutumque Theoderici animum, in Chronico Virdunensi. Cæsar Baronius quoque Clotharium cædis peractæ accusat, quem memorie lapsus fortasse in errorem traxit, in anal. eccles. t. VII. ad A. 527.

III. Quod regnum cum suis legibus staret, à Moeno ad Ocrum usq; porrectum, inter Lanum

num & Unstrutum, sylvamque Herciniam latissimè patuit, & utramque Hessiam, terramque Milniæ Orientalem, quæ Osterlandia dicitur, partemque Orientalis Franciæ, quam Theodericus regno suo adjecit, & tractum denique insignem, inter Albim Salam Ocramque protensum, qui postea cesit Saxonibus *Ostphalis*, veteri ambitu comprehendit.

Thuringiæ fines quondam regionem Theoderici Austrasiorum Regis contingebant, atque adeo Cattorum, quos Francos appello, & Saxonum cis Visurgin positorum finitimi erant, in quos, trajecto Rheno, Franci moverunt, atque in ipsa, quod hinc consequitur, Germania transrhenauna & magna novam regno suo regionem adjunxerunt, partemque Thuringiæ cis Unstrutum sitæ armis subactam, in nomen ditio-nemque Ostrofrancicam redegerunt: Saxones Velerani reliquam partem trans Unstratum occuparunt, id quod ex Francorum Saxonumque monumentis, diplomatisque veteribus non est difficile collectu. Eò legatur Vigandus Gerstenbergk in Chronico Montis Francorum (bodîè Francoberga est) urbis perantiqve ad Ader-na fontes in superiori Hessia extructæ: quod
indi-

Wa
437
OK

indicio est, Thuringiam Cis-Unstrutanam cum
utraqve Hesia in Theodorici I. Regis Franco-
rum, jus ditionemq; venisse. Cetera Thurin-
gia, quæ ad Septentrionem vergit, Nortthu-
ringia dici solita, tractum Magdeburgicum, &
Comitatum Reinsteinensem, una cum oppidis
Magdeburgo, Helmestadio continebat. Unde
explicandus est Henr. Meibomius, Helmestadium
Saxonie Cisveserane adscribens, in opusc. de
Ducibus Saxonie ante Hermanum Billingum.
Nam hujus ditioni postea accessit & juncta est, quam Saxo-
nes trans Unstrutanam, finitimamqve Thuringia partem
sibi subjecerunt, Saxonieqve fines novâ hac accessione au-
xerunt. Quæ causa est, quamobrem Mulhusa & Nortbu-
sa, insignes Nortthuringie urbes, Saxonie veteri annume-
rentur, & ad hujus comitia, sive Conventus Circulares eve-
centur. V. Herm. Conringius in libro de antiq. situ Helm-
stadii & viciniae p. 79.

IV. De religione Thuringorum Hessorumq; labo-
ravit & optimè meritus est Bonifacius, præsul animi sancti-
tate præstantissimus, cum potestate docendi à Gregorio II,
Pont. in Thuringiam dimissus, cui necessitudo familiari-
tasqve intercesit cum Vunebaldo, qui similiter auctorida-
te Bonifacii, Thuringiam diviniore literis erudit, &
pari fide ac diligentia est munere illo tam arduo & diffi-
cili perfunctus. Omnia hæc certis atqve illustribus testimo-
niis nituntur, sigillatim epistolis Bonifacii, S. Vilibaldo de
S. Bonifacio cap. VI. VIII. Otobono in vita ejusdem, c. XIII.
& XXIX. Scriptore vitæ S. Valpurgæ cap. I. Quo factum est, ut
Thuringia perinde ac Hesia referri coeperit ad metropolim
Moguntinam, salvo jure principatûs, & imperii civilis,
aliunde competentis, quod alias persequemur.

Kops

m
o-
n-
l-
f
is
e
n
e
.
.
.
.
.

ULB Halle

3

004 967 593



10





Q. K. 119, 17.

HYP
Ad ve
hif

C. S. SO

M. GEORG



Imprimebat

ATA,
ngiæ

CHIO,

MARUS,



Typogr.



KODAK Color Control Patches

© The Tiffen Company, 2000

Kodak
LICENSED PRODUCT

Inches 1 2 3 4 5 6 7 8
Centimetres 1 2 3 4 5 6 7 8

Blue

Cyan

Green

Yellow

Red

Magenta

White

3/Color

Black

